



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinæ, 1603

Vita S. Raineldis Virginis Et Martyris, sororis beatæ Gudilæ; quæ simul sacrum velamen acceperunt à S. Autberto episcopo Cameracensi: qui claruit anno Domini 654. &c. vt patet To. 8. Annal. C. ...

urn:nbn:de:hbz:466:1-42728

*Rex Persarū
Iupiter ce-
dit.*

*Felix viri
S. obitus.*

**Reineldis
& Reinildis.*

*Vide Notat.
C. Baron.
Marty. Rom.
& Ioan. Mol.*

*in Indic.
SS. Belgij.
16. Iulij.
Patria & Pa-
rentes eius.
*Amalberga
vidua quon-
dam, & vx-
ore Theodo-
rici Lotha-
ringiæ Ducis,
ex qua sus-
cepit S. Pha-
raildem
Virginem.
*Adelber-
tus.*

exercitu, in suam ipse regiam redijt: & Nisibis
ciuitas à repentino interitu precibus Iacobi li-
berata, in Dei misericordia exultauit. Ipse
verò paulò post, plenus operibus bonis &
gloria, è corporis vinculis ad cælos emigra-
uit.

VITA S. RAINELDIS VIRGINIS ET
Martyris, sororis beatae Gudilæ; quæ simul sacrum
velamen acceperunt à S. Autberto episcopo Ca-
meracensi: qui claruit anno Domini 654. & c. v.
patet To. 8. Annal. C. Baronij. Ex ea quæ extat
apud P. L. Surium.

BEATISSIMA Raineldis in Castro suo
Oppido Cōdatensi super Scaldam fluuiū,
nobilissimis parentibus, patre VVitgero,
matre verò *Amalberga, orta, magna dignitate
multisq; opibus conspicuis, & generis morumq;
nobilitate illustribus, ea vitæ integritate à pri-
mis annis enituit, vt non immeritò in tanta o-
pium affluentia tantas virginis virtutes cunctis
admirarentur. Fuit illi frater *Emebertus Ca-
meracensis Ecclesiæ antistes, vir omni virtute
ornatissimus; & Gudila soror; quæ parem vitæ
sanctimoniam à primis ætatis initijs sectata est:
multorumq; procerum nuptijs simul spretis,
corporis castitatem immortalis sponso sacro
velamine à S. Autberto donatæ, ad extirpandum vi-
tæ spiritum illibatam seruauerunt: quin & ipsæ
parcibus cælestis regni amore etiam visum est
mundo nūcium remittere. Et quidè Witgerus
sacræ religionis habitum induit: Amalberga ve-
ro coniunx eius, à S. Autberto Cameracensi An-
tistite sacrum velamen accepit, Christoq; se
totam

totam dedicavit . Manserunt autem pleræq; facultates eorum Raineldi & sorori eius.

Porro Raineldis præclara Christi virgo, incredibile memoratu est, quanta se inedia affecerit, & quàm assiduis ieiunijs & orationibus corpusculum suum macerârit, quò Christi spiritu integrè frui posset . Pauperum verò & inopum tanta illi cura fuit, vt omnia eis pro Christi amore tenui admodùm victu sibi tantùm reseruato, distribueret . Tenerrimum corpusculum cilicio aspero domabat, & spiritum diuinis sinè intermissione colloquijs fouebat, tædiumque omne, cælestium rerum commentatione profligabat. Cumque in dies magis ac magis carne edomanda spiritum roboraret, nudis semper pedibus virgo tam nobilis & tenera incedebat; prostrataque ad preces, non rarò noctem cum die in sancto illo opere iucunditate admirabili transmittebat . Cibus ei hordeaceus panis, potus aqua erat. Sed cum ijs rebus perfectã virtutem minimè contineri haud ignoraret, statuit cum sorore sua Gudila Lobienſe adire cœnobium, vt in eo beatissimo Petro Apostolorum principi omnem terrenam suam substãtiam offerret, & se totam sub seuerioris disciplinæ ac obedientiæ instituto Christo consecraret. Ibi tùm, quanti sanctissimæ virginis exercitia Christus faceret, præclaro sanè miraculo omnibus innotuit . Nam cum fores monasterij clausas inueniret, & introitum suppliciter admodùm postularet, audiretque locum illum viris tantùm consecratum, fœminei sexûs capacem non esse, illa (sorore Gudila quamquam recedente) importunis precibus institit, & tres

Preces & ieiunia eius.

Benignitas in pauperes.

Incedit nudis pedibus.

Cibus eius.

Fores mona-
sterij Lobie-
sis ciuinitas
ei referatur.

Multa largi-
tur Lobienfi-
bus.

Et Hierosoli-
man.

Claret mira-
culis.

Alij hōs Hu-
mos, alij
Normannos

continuos dies ieiuna opem à Deo implorare non destitit. Et ecce nocte tertia, cunctis fratribus alto sopore depressis, ostia monasterij diuina virtute referata virginem admiserunt, & signis vltro sonantibus templi adita cum gratulatione acceperunt. Eo sonitu excitati fratres concurrunt vndique, visaque virgine coram Saluatoris imagine prostrata, obstupescunt, & intellecta introitus serie, laudibus, vt par erat, diuinam in virgine virtutem prosequuntur. Raineldis verò, vt erat pia, humilis & religiosa valde, cum positus humi genibus eorum preces postulasset, animi sui propositum illis explicauit, & Sancthas cum quinque villis, appendicibusque earum, cælestis regni clauigero tradidit: vt ab eo ad cæli palatium mereretur introduci. Deinde vt inanis gloriæ & humanæ laudis fumos vitaret, & maioris certaminis cursum cōficeret, accepta à monasterij Præfecto & fratribus benedictione, inde Hierosolymam, vnius tantum seruici & ancillæ comitatu contenta, profecta est: vbi biennio singula quæque loca non sine fructu perlustrauit.

Tandem septennio euoluto, preciosissimis sanctorum aucta reliquijs, Sancthas reuertitur, & à familia eundisque loci eius indigenis summa cum exultatione excipitur. Deinceps verò ita vitam instituit, vt rebus omnibus terrenis proculcatis, solis cælestibus incredibili ardore insisteret; prorsus vt multis miraculis & virtutibus coruscaret. Cum autem propter hominum flagitia Dominus sanitiæ Barbarorum, terram illam vastandam traderet, & alij omnes fugam sibi salutem quærentes irruentium gladios per-

timef-
vel mi-
rum e-
em cl-
ret.

Irru-
sancto-
lidata
Beati
stium
rump-
instar
sancti
am tra-
calcib-
brijs &
mò vt
Tum i-
uicem
reis so-
sunt ce-
dulph-
mij n-
Molan-
cam a-
sum-

timescerent, sola Christi virgo Raineldis nullis
 vel minis impelli, vel blandimentis amico-
 rum eò adduci potuit, vt locum in quo di-
 em claudere extremum constituerat, desere-
 ret.

Irruentibus igitur Barbaris, virgo Christi
 sancto spiritu plena, & in sponsi sui amore so-
 lidata, more suo ad preces confugit, & in æde
 Beati Quintini martyris intrepidè furorem ho-
 stium expectauit. Tandem in ipsam ædem ir-
 rumpentes Barbari immanissimarum belluarū
 instar, humanum sanguinem sitientes, arreptis
 sanctissimæ virginis capillis circumquaque e-
 am trahebant, fustibus & flagellis cædebant;
 calcibus tundebant; multisquæ iniurijs, ludi-
 brijs & plagis crudelissimis afficientes, postre-
 mō vt ceruicem extenderet, compulerunt.
 Tum illa flexo poplite, virili planè animo cer-
 uicem carnifici feriendam præbuit; & corpo-
 reis soluta vinculis ad Christum euolauit. Cæsi
 sunt cum ea Grimoaldus subdiaconus & Gun-
 dulphus seruus. Corpus eius sacratissimum exi-
 mijs miraculis clarum, eleuatum est (teste Io.
 Molano In Indic. SS. Belgij) Anno 866. in the-
 cam argenteam, præsentibus confinium Diocæ-
 sum tribus Episcopis, eodem in loco, Sanc-
 this, Diocæsis Cameracensis apud

Hallas, olim Brabantia, nunc
 Hannonia.

M 3

VITA

*fuisse vo-
lunt.*

*Multis à bar-
baris tormen-
tis affecta,
tandem capi-
te cæditur.*